



**R. P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère <1543-1623>

Mogvntiæ, 1617

Cap. 2. De materia Sacramenti Ordinis,

[urn:nbn:de:hbz:466:1-78477](#)

creationis, & educationis filiorum spiritualium, aut carnalium pro Ecclesia propagatione, per illa istud sufficiensibus cōfertur uberrima gratia sanctificans animas ipsorum, non minus, quam per alia sacramenta.

Quod attinet ad institutionē sacramentum hoc institutū fuit à Christo Domino nostro in ultima Cena, verbis illis apud D. Lucam. cap. 22. Hoc facite in meam commemorationem. Jvt pater ex eo, quod Ecclesia Catholica semper intellexerit & docuerit eundem Dominum per illa, Apostolos suos instituisse noui Testamenti Sacerdotes, eisdemque & ipsorum in sacerdotio successoribus principis, ut corpus suum & sanguinem sub specie panis & vini offerrent: quemadmodum habetur in Concil. Trid. siff. 22. 1. anathematique in eadem siff. can. 2. subiicitur, qui contradixerit.

Quod attinet ad unitatem: talis huic sacramento coenit, vt nequeat iterato suscipi ab eadem persona: quod ei commune est cum Baptismo & Confirmatione: sicut & imprimere characterem indeleibilem ex Concil. Florent. in instruct. Armenorum, & ex Trident. siff. 7. De sacram. in genere can. 9. Vnde sequitur id, quod habet idem Concil. siff. 23. cap. 4. & can. 4. rite ordinatum, non posse potestate accepti ordinis priuari. Conuenit quoque eidem sacramento illa unitas, per quam vere & proprie vnum est ex septem sanctis Ecclesiæ sacramentis: iuxta idem Concil. Trident. siff. 7. cap. 1. De sacram. in genere, & siff. 23. cap. 3. Etsi enim plures ponantur ordinationes, ipsum tamen vnum est, quia omnes referuntur ad vnum finem proximum: dignam scilicet sacrificij Eucharistie celebrationem: perinde ac vtraque eiusdem Eucharistie species, est vnum sacramentum, quia ordinatur ad eundem finem proximum qui est significandi perfectam animæ refectionem.

De diuersis Ordinibus ex quibus hœc sacramentum coagumentatur.

Quod attinet ad diuersitatem Ordinum ex quibus istud sacramentum coagumentatur: communiter ad Doctribus (quorum plures tam antiquiores, quam recentiores Henriquez refert in citato lib. 10. ad initium 2. capituli) iij numerantur septem. Primus est Presbyteri, 2. Diaconi, 3. Subdiaconi, 4. Acolyti, 5. Exorcistæ, 6. Lectoris, & 7. Ostiarij: his quatuor posteriores dicuntur minores Ordines: & tres illi priores dicuntur maiores, quos in Encycl. cap. 22. num. 18. Narratur sacros etiam dici monet; non quod ceteri non sint sacri, sed quod ipsi maiores habeant annexum votum castitatis, ex Ecclesiæ statuto, per cap. Nullum & cap. Decernimus, diffinit. 28. Ita ut ipse subiiciens consecret te Deo, emitendo tacitum votum continentiae: per quod fit ad matrimonium inhabilis, ex cap. vniuers. De voto n. 6. & ex can. 9. Concilij Trident. siff. 24. cum aliis ibid. in marg. citatis.

Non defunt tamen authores (quorum meminit Henricus ad idem cap. 2 §. 3. lit. V.) qui ad instar nouem Ordinum Angelorum distinguant nouem istiusmodi ordines: addentes supradictis primam tonsuram & Episcopatum: quia inititus prima tonsura habet ex Ecclesiæ instituto, & priuilegio, inter Clericos gradum quendam: secundum quem capax est iuri dictio Ecclesiastico, & beneficiorum quo laici carent. Episcopus vero diuino iure obtinet gradum per quæ Episcopus dignitate & potestate, ceteris etiā Presbyteris, in Christi Ecclesiæ præminent secundum communem Catholicorum sententiam, quam aduersus haereticos proponit Gregorius à Valen. om. 4. ad D. Thomam, disput. nonna q. sif. 1. puncto 2. Sed quamvis hæc ita sint: nihilominus si propriæ loquuntur de Ordine prout scilicet traditur in eo potestas ad officium peculiare quod referatur ad Eucharistie celebrationem prima tonsura non est talis ordo, quia tonsuratus nullum officium habet circa altaris ministerium & feruunt: vnde potest quidem ad Ordines deputatus dici: non tam ordinatus. Episcopus vero non est Ordo alias à sacerdotiis: quia etiam si Episcopus à Presbytero distinguatur tanquam dignitate & potestate superior: non constituit tamen nouum Ordinem, nam quantum ad Missa sacrificium veterum exhibet idem ministerium: neque maior illa dignitas & potestas pertinet ad ipsum sacrificium: cum non faciat ut Episcopus aliquid amplius exhibeat in ministerio altaris

quam Presbyter. adeo ut vtriusque idem sit Ordo, sicut est idem ministerium: perinde ac Lectoris & Cantoris, seu Psalmistæ, idem quoque Ordo est, eo quod sit idem officium vtriusque: quandoquidem nihil refert vrum canendo, vel simpliciter proferendo dicat quis ea quæ in Ecclesia dicit debent. Ita ex communi sententia Authoribus in margine suo more citatis Henricus habet in memorato lib. 2. cap. 2. §. 1. & cap. 7. §. 2.

Neque vero obstat, quod ordinatione Sacerdotis in Episcopum, cum particulari gratia conferatur noua potestas sacramentalis ad ministrandi ex officio, tum hoc ipsum sacramentum Ordinis, tum etiam Confirmationem. Nam in Sacerdotis quoque ordinatione, ad gratiam & potestam sacramentalem conficiendi Eucharistie sacramentum, que dicitur potestas super corpus Christi verum, additur alia: quod dicitur potestas super corpus Christi mysticum, administrandi fidelibus sacramentum Poenitentiae (de qua re in sequentibus) nec tamen propterea duo diuersi sacerdotales Ordines dicuntur esse: nec dicitur duo sacerdotales characteres tunc imprimi: sed impressum per priorem collationem, solum magis perfici, extendique per posteriorem collationem. Quod paratione dici posse, cum Sacerdos ordinatur Episcopus, notat locis citatis Henricus nempe non addi illi nouum characterem, sed potius ei iam impressum perfici, ac extendi facta accessione tertie potestatis ad eas duas, quas ante ordinationem suam habuit tanquam Sacerdos.

Porro si aliqualijs Ordines, quam septem memorati potestis inueniantur, vel ad eosdem facile reuocantur, vel non dicuntur Ordines proprii, sed generaliter eo scilicet modo quo Ordines dicuntur illorum, qui quodcumque dedicantur diuinis obsequiis, etiam ad altaris sacrificium non delincent, ut Monachi, virgines & viduae Deo dicatae, & laborantes in sepeliendis defunctis quos Ordines à sanctis Patribus dici notat Bellarmine in tomo 1. controveſ. libro primo De Clericis cap. 11.

Adverte autem ex supplem. 3. partis D. Thomæ quarti, art. 5. in ordine Sacerdotis contineri omnes inferiores Ordines eminenter: sicut in anima rationali continentur gradus vegetatiuſ & sensitivus: totamq; huic Sacramenti plenitudinem (que madmodum additur in sequenti quarto. 37. art. 1. ad 2.) esse in uno Sacerdotali Ordine, in ceteris autem esse secundum qualiter participationem, seu in Ordine ad ipsum sacerdotalem, cui subseruantur. Id quod declaratur exemplo corum qui adiuncti sunt Moyssi, de quibus Numerorum 11. Auferam de spiritu tuo & tradam eis, ut sufficiant tecum onus populi. Id tamen non impedit (per traditam Bellarmine in tomo 2. controveſ. libro de Ordine cap. 6. 7. & 8. & à Gregor. à Valen. disput. nonna quarto. 1. puncto 4.) quin ipsi inferiores Ordines possint tanquam vere sacramenta, conferregant & spiritali potestate, charactere indelebiliter in anima impresso, pro conditione huius Sacramenti (cuius proinde rationem participant) vt argumento est quod iterari non possint. Ideo enim si illis initiantur ad laicalem statum deficit, & mutata postea voluntate velit ad maiores Ordines promoueri, non conferuntur ei denuo minores ipsi Ordines.

CAPUT II.

De materia sacramenti Ordinis.

S V M M A R I U M.

- 7 Singulorum Ordinum materia propriæ.
- 8 Contactus moralis eiusdem in materia, potest ad Ordini sacramentum sufficere.
- 9 Quando & qualiter fieri debeat contactus ad hoc sacramentum necessarius.
- 10 De dubio, An imposticio manuum Episcopi sit de essentia sacramenti Ordinis.

DE hac materia sic habet Concil. Florentinum loco cito Sextum sacramentum est Ordinis: cuius materia est illud, per cuius traditionem confertur Ordo: sicut Presbyteratus traditur per calicis cum vino, & patenæ cum pane porrectio-

portionem. Diaconatus vero per libri Euangeli formam. Subdiaconatus per calicis vacui, cum patena vacua supraposita traditionem, similiter dealii per rerum ministeria sua pertinentium assignationem. Quae res ut constat ex pontificalis prima parte (in qua ritus traditur Ordines conferendi) sunt: quoad ordinem Acolyti, candelabrum cum candela extincta, & vrecolus vacuus. Quoad Ordinem vero Exorcistarum, liber exorcistarum, & quoad Ordinem Lectoris, liber lectionum quae leguntur in Ecclesia: ac demum quoad Ordinem Ostiarum, claves templi.

Quaedam occurruunt hoc loco notanda. Primum est, Dubium esse an ad validitatem istius sacramenti requiratur contractus Physicus instrumentorum que diximus esse illis materiam, an vero sufficiat moralis. De quo videtur tenendum, quod propter delinquendi periculum, in praxi ad conscientie securitatem retinendam, & scrupulorum molestian vitandam, procurari debet diligenter contactus realis, quemadmodum notat Sotus in 4. distinc. 2. 4. quæst. 1. art. 2. sub finem. Verumtamen quamvis ille defuerit, si contactus ad sit moralis, qualis confert quando Ordinatore ei qui ordinatur porrigit instrumenta ante memorata, hic extensio manus ad illa significat se eadem recipere) valide collatum esse sacramentum existimari potest ex codem Soto & pluribus aliis quos Henriquez refert in sua Summa lib. 10. cap. 10. §. 1. lit. D. in margine. Probatur vero, quia ex natura rei ad acquirendam positionem non requiritur realis contactus ex legge Quod meo. §. Si debitorem ff. de acquir. possessione. Quare nec in hoc sacramento, in quo per traditionem instrumentorum, datur aliqua potestas, videtur omnino necessarius eorum contactus realis. Vnde, quemad. notat bene Caet. in verbo Ordin. antium peccata, in Concil. Floren. cum traditur materia Ordinis nunquam sit mentio de tactu eius. Nec refert quod Episcopus ea tradens dicat, Accipe, quia, inquit sotus, in familiari sermone cu[m] quis equum dat alteri, isolo nutu potest illum accipere, etiamsi non tangat. Nec tenet obstat, quod in Baptismo, confirmatione, & extrema unctione necesse sit materiam sacramenti sic applicari sufficienti, ut illum tangat: quoniam eiusmodi necessitas ex eo prouenit, quod in illis sacramentis materia assumatur ad aliquid extrinsecus ac visibiliter agendum in ipso suscipiente: nempe ad illum ablendum, vel vngendum. In hoc vero assumatur tantum ad determinandam intentionem ministri in prolatione verborum: quæ determinatio potest sufficienter fieri per illud, quod idem minister instrumenta ipsa porrigit.

Notandum est 2. quod habet à Victoria de sacramentis 130. prædictum contactum dñe bere tunc fieri cum verba forma proferuntur: itaut simul sint, saltem moraliter, seu non interposita notabilis mora. Vide tradita in præcedenti libro 26. cap. 3. not. ab. 4.

Notandum est 3. non esse necessarium ut idem contactus fiat utraque manus: quia cum tantum sit cærementia, sufficit quomodounque tangi id quod porrigitur: dummodo pars que tangitur nihil intermedium habeat per quod discontinuatione a toto habere cœnsatur. Ita docent Angelus verbo Ordo primo. §. 9. & Sylva codem verbo 2. quæst. 4. argumento cap. vnici De consecr. Ecclesiæ in 6. Vnde, ut iudicem insinuant, ordinatio Sacerdotis valida erit, quantumvis ipse tangat solummodo calicem, etiamsi tanquam materia pars necessaria, simul cum eo sint tum vinum, tum etiam patena cum patena, quæ ordinando porrigitur ab Ordinatore. Curandum nihilominus est diligenter, ut patena quoque & panis cum calice tunc tangantur ex modo quo præscribitur in Pontificali, prout loco citato admonet Sotus.

Notandum est quartu: quoad materiam Ordinis Sacerdotalis graue dubium esse inter Theologos scholasticos, num tota consistat in iam dictis, at ad eam quoque pertinet munera impositio, atque partem affirmantem contra Sotum tenet Bellarm. tom. 2. contravers. in lib. De sacramento Ordinis cap. 9. Ncgantem vero cum ipso Soto tenet Greg. à Valentino 4. disput. 9. quæst. 1. punto quanto sub initium.

Nobis pars erit pro praxi quo: idiana adm. othere, q[uod] statuit in cap. finali, De sacramentis nō iteradis: si in c[on]ditione Sacerdotis omnia fuerit manuum impositio, null-

latenus ordinationem ipsam ideo iterandam esse; sed tempore ad talem conferendam statuto: caute superplendum esse quod per errorem omissum fuit. Preferendar autem esse in speculatione Bellarmini opinionem, ea quæ in sequenti cap. 4. sub finem de eiusdem Ordinis effectu dicentur, satis ostendunt. Nec obstat quod Concilium Floren. cuius verba ante revulsum, assignans eiusdem Ordinis materiam, nullam faciat mentionem impositionis manuum. Nam vt Bellerm. annotat, non explicit totum illius ritum: quia non tradebat librum rituale; sed solum propositum vnam partem essentialiem, quæ magis ad suum propositum faciebat. Nam intendebat pro materia assignare huic Sacramento rem aliquam subsistentem, sicut fecerat Baptismo, Confirmatione, Eucaristia, & Extremæ unctio[n]i. Impositio vero manus nostra est res subsistens, sicut est calix cum vino & patena cum pane. Cui responsioni robur addit, quod tale quid sit dicendum; nisi velut sacerdoti, quod absurdum est, Concilium Florent. contradicere Concilio 4. Carthag. cap. tertio, ubi dicitur Presbyterum ordinari, Episcopo cum benediciente, & manum super caput eius tenente. Quod refertur in cap. Presbyter. distinct. 23.

C A P V T III.

De forma sacramenti Ordinis.

S U M M A R I V M.

- 11 Commune est forma sacramenti Ordinis cum aliis sacramentorum formis consistere verbis.
- 12 Officia singulorum Ordinum minorum: & quo ritu confariantur.
- 13 Officia Diaconi, & Subdiaconi, ac ritus quo consecrantur.
- 14 Munera Sacerdotis, & ritus quo consecratur.
- 15 Ratio ex iis eliciendi, quæ sit quorumcunque Ordinum particularis forma: & cur ea exprimatur per imperatiuum modum.

COMMUNE est huic Sacramento cum precedentibus constare verbis in forma. Ea autem talis esse debet vniuersaliter Ordinis, quæ sufficienter exprimat traditionem potestatis, quæ in eo datur: qualis cœnsanda est, quæ in Pontificali Romano assignatur, cum traditur ritus conficiendi vnumquemque eorum. Neque enim probabile est Concilium Florent. in instruct. Armen. ad aliam spectare voluisse, cum dixit formam sacerdotij esse Accipe potestatem offerendi sacrificium in Ecclesia pro viuis, & mortuis, in nomine Patris, & Filii, & Spiritus sancti: & sic de aliorum Ordinum formis. Quas nō est consentaneæ existimare alias esse, quam quæ in codem Pontificali assignatae, Parochis pro populi institutione traduntur in Catechismo edito Concil. Trident. iussu, cap. De sacramento Ordinis. Vnde casu referre non erit abs te: idque iisdem pene verbis prædictis cum ex illis intelligitur, ad quæ munera exequenda potestas tradatur per collationem cuiusque Ordinis: quodquidem ad hunc quoque locum spectat.

Itaque ut illi habetur: post primam tonsuram ad ostiarum Ordinem primus gradus fieri consuevit: cuius munus est templi claves, & ianuam custodire: & aditu templi arcere eos quibus ingredi interdictum est. Ac ritus quo is ordinatur, iste esse ibi traditur: quod Episcopus claves ex altari acceptas, tradens ei quem vult instituere Ostiarium, dicat: Sie age quasi redditus Deo rationem pro iis rebus, quæ his clavis recluduntur.

Secundus Ordinis gradus est Lectoris, ad quæq[ue] pertinet in Ecclesia veteris & noui Testamenti libros clara voce & distincte recitate: præsertim eos, qui inter haec etiā psalmi modi legi solent. Consecratio vero ipsius ibidein etiam sic declaratur. Episcopus præsente populo, in eius ordinatione librum quo descripta sunt quæ ad hanc functionem attinet, illi tradens inquit: Accipe, & esto verbi Dei relator, habiturus, si fideliter, & utiliter impleueris officium tuum, partem cum illis, qui verbum Dei bene ministrarunt ab initio:

Tertius